

西沔全集

西涯全集

西澗全集卷第八

門人

新津童 成都宋寶械編輯
眉州劉鴻典校刊
男 茲蟻

邴邴詩稿 近體

夜坐感懷

凍雨不曾歇小樓生暮寒
無言鐙影淡久坐漏聲殘
清境去人遠孤懷入世難
可能空谷裏長此媚幽蘭

高灘店

野店荒涼甚悲風竟夕聞
鐙昏狐善崇燐密鬼能軍
隙地多

焦土陰天有壞雲旄頭星已落何日埽餘氛去年辛酉已將教匪大股盪平

而餘孽猶

未淨盡

同謨生兄虎山晚眺時讀書寶和寺

蕭寺西頭石一卷兩人斜坐夕陽邊平橋晚漲雙溪水繞郭
晴飛萬竈烟東下竟陵通楚塞北踰褒谷見秦川蠹魚食盡
神仙字何似鵬風任轉旋

風鼎山

未肯東行要向西邑中之山皆由東北趨西南茫茫元化絕端倪孤峯突

起壓鼇背太古以來無馬蹏罡氣能令紅日淡晴光不放白

雲低最憐著地人如許壁上蝸牛甕裏雞

由五老巖至兩河口

平疇行欲盡遠勢漸坡陀日影斜時大泉聲隘處多新霜已
黃葉峭壁自青蘿老輩風流歇何人載酒過

左足膝脛俱病

一足幾同指不伸散材何意等勞薪幻身是我非真我壯歲
教人嘲半人便自徐行猶慮險未能徒步適居貧寸衷恰有
難安處莊論曾聞樂正春

大通寺

西湖全集 卷八
路到中槽盡林藏古刹幽山深無劫火地潤有靈湫佛讓松
先老天因竹易秋泉聲終夜雨抱月宿西樓

夏日卽事

長日炎炎敵小年匡牀移就樹陰眠不知小雨來何處仍被
高風送上天

門前細路接漁汀野竹捎空一片青行到檀欒最深處飛飛
無數黑蜻蜓

成都雜詠之一

龜城舊蹟久無存枉送金牛入益門何事至今消不得鵑聲

猶是蜀王魂

登灌縣西城作

城在山盡處惟西半壁跨山登此
下視則川原浩蕩一覽無際矣

岷山來自西蕃外此是岷陽第幾支
天吸精光盤井絡地開平面豁坤維
長江出險聲微咽寒日流空影急馳
所願未知償得否白沙溪畔一萌茨

沙溪瀕江在西關
外五里許甚清曠

靈巖寺

灌縣城北

愛游禪境嬾參禪隨坐隨行思渺然
不二門中無一物大千界外是諸天山
留凍雪堅於石雨過疎林澹欲烟色味
聲塵都斷絕鼻根恰戀白旃檀

西洲全集
卷八
三
象耳寺

在彭山江口內里
許有太白遺蹟

濯錦江邊放野航
磨針溪畔問僧房
亂山一似雞相粥
絕壁居然蟹有匡
徑輒厚堆苔數寸
門深斜引樹雙行
謫仙去後餘枯佛
冷落當年此醉鄉

江樓早起

宿酒厭厭未解醒
街坊倏已罷殘更
涼風吹散樓頭夢
小雨飛來屐齒聲
水氣空濛烟四散
金光閃鑠日初生
扁舟載得春歸去
自有青山管送迎

眉州舟次

紗縠行邊斜日玻璃江上微煙遠樹幾堆黑暈高城一箇紅

圈

州城皆赤石所甃

兩汊分爲港口孤洲落在波心中閒定有茅屋外邊但見竹林

未得買山而隱何當以水爲家無計支分簞笠此生孤負蘆花

輕舟

一山縱更一山橫兜住長江不放行畢竟江流解人意輕舟已下鐵瀘城

夔門晚泊

侵晨解纜雲陽縣到得停橈日已昏
雨後晴空碾明月江邊山色鎖夔門
龍蛇蹟古長遺恨猿鳥聲稀也斷魂
未識高齋無恙否待從東瀼問東屯

瞿唐峽

地不此間裂江應無處流羣山開一縫
萬里送孤舟石古黝如鐵潭秋膩欲油
自憐非畫手竄取入雙眸

巫山

一十二峯青欲流清江處處起漁謳
驚看鬼斧留奇蹟合有

仙輶任上頭水鳥衝風接殘飯山猿落石打孤舟黃昏趕到
荒城泊已見踈鐙出酒樓

呂堰驛題壁

定被浮名誤安知遠志非山雞終自溺野馬更誰韉日暮繇
裘薄年荒麥飯稀鰭巖春正好花柳簇柴扉

行憶

戍柝無聲驛路長東風偏作十分涼鞭梢遠指前村火蓬背
平添一夜霜行憶故人工織素應愁明月照流黃夢中歧路
知多少莫漫相尋到異鄉

春草

雨過平川散晚晴
新添綠意一程程
天涯較我來還早
煙景教人畫不成
一似閒愁難斷絕
可知佳節又清明
年來舊夢無尋處
惆悵西堂有弟兄

道上見桃花和宋小海韻

東風吹出豔陽天
小雨飛紅上玉鞭
如此花枝初著色
憑他根葉亦生憐
幾回隔水疑無路
若箇歸家是少年
百代光陰眞過客
請君暫醉驛亭前

北道絕句

黃雲影裏日光銜沙屑隨風糝客衫我自悶時渠自快獨輪
車已挂輕帆

黍稷泥壁紙裁簾處處攔輿喚打尖消受一拳荷葉餅水晶
葱蘸水精鹽

長繩百尺汲清泉飲馬人爭博一錢小住貪他風景好轆轤
聲裏樹陰圓

桃花片片柳絲絲好是風輕日暖時閉置車中渾不快一錢
一里買驢騎

早發見前車鎧光陸續隱見於林薄閒亦奇觀也

西洲全集卷八
平沙竟夕白於霜夾道絲絲裊綠楊無數紅雲飛不定前頭
一望是鎗光

宣武城南四川營棉花衚衕係前明石砭土司秦夫人
駐兵處鄉人題詠旣多盧陶伍屬余同作

一旅西來赴帝京桃花馬上請長纓
天凶焰黃巾賊震地威棱白桿兵
金印夙傳三世將繡旗爭認四川營
至今秋雨秋風夜隱約鉦聲雜紡聲

晚自皮庫營歸寓

瘦影一驢馱城南踏踏過天街
車路闊月地酒人多塵海渾

如霧星河淡不波歸來滌殘暑徙榻就庭柯

潁濱

三司條例二分錢慷慨敷陳冤枉然不及百年宋南渡愍遺
一老許西偏文章妙處心源靜憂患深時道力堅剩與坡公
償舊約夜臺風雨對牀眠

子產祠

能爲循吏卽名臣彫瘁尤須善拊循太息咸林真敝邑却從
烈火有生民尼山一老深知己鄭國諸卿少替人門外紛紛
冠蓋客問君何事走風塵

潼關

崎嶇千百轉斗絕 潼關滾滾黃河水蒼蒼太華山風煙長
自壯天地幾曾閒龍戰餘殘血城根土尙斑

潼關旅店見壁上弔古之作亦題一絕

趣戰從來是速亡柿園一死自堂堂健兒肉眼翻求活可惜
平生半段槍

驪山

一勺龍鰲是禍胎美人笑口不輕開山烽薰得山泉熱又見
華清賜浴來

興平署中夜雨感懷

似病曾非病言愁信欲愁勞薪故車啣破鏡大刀頭滴滴三更雨沈沈四壁秋羈魂飛不去壓入溼雲流

馬道夜行

轉轉溪山路欲迷溪沿山轉路沿溪雲封斷岸驚人語石濺寒霜怯馬蹏才是冬初風已北未曾夜半月先西茆檐土炕家家夢獨自憑鞍盼曙雞

棧道二首

破帽衝風思不禁天梯石棧氣蕭森秦山一壁分梁雍漢水